

Wahid Naib Canselor UTHM baru

Mohamad Fahd Rahmat
fahd@hmetro.com.my



Batu Pahat: Timbalan Naib Canselor (Akademik & Antarabangsa) Universiti Tun Hussein Onn Malaysia (UTHM), Profesor Dr Wahid Razzaly dilantik sebagai Naib Canselor UTHM bagitempohtigatahunberkuatkuasaJumaatlaluhingga 2 Mac 2020.

Dalam kenyataan daripada Bahagian Perhubungan Awam UTHM, pelantikandibuat Menteri Pendidikan Tinggi, Datuk Seri Idris Jusoh selepas mendapat perkenan Sultan Johor, Sultan Ibrahim Iskandar yang juga Canselor Universiti, selaras dengan Seksyen 12(1) Perlembagaan Universiti.

"Profesor Dr Wahid, 58, adalah anak kelahiran Selangor, pernah memegang jawatan sebagai Timbalan Naib Canselor (Penyelidikan dan Inovasi), Dekan Pusat Pembangunan Akademik dan Dekan Fakulti Pendidikan Teknikal dan Vokasional.

"Selepas penamat tugas Naib Canselor terdahulu, beliau diberikan kepercayaan oleh Lembaga Pengarah Universiti untuk menjalankan fungsinya sebagai Naib Canselor UTHM, bermula pada 16 Oktober 2016.

"Jawatan Naib Canselor UTHM sebelum ini disandang oleh Prof Datuk Dr. Mohd Noh Dalimin yang tamat tempoh pelantikannya pada 15 Oktober lalu," katanya dalam kenyataan di sini, hari ini.

Artikel ini disiarkan pada : Ahad, 5 Mac 2017 @ 10:40 AM